

**ԱՇԽԱՐՀԱԳՐՈՒԹՅՈՒՆ առարկայի
9-րդ դասարանի ավարտական քննական աշխատանքի ուղեցույց**

1. ԶՆՆՎՈՂ ՆՅՈՒԹԻ ԲԱԺԻՆՆԵՐԸ

2012 թ. ավարտական քննության համար որպես հիմք և սկզբնաղբյուր են ընդունվում «Աշխարհագրություն» առարկայի ուսումնական ծրագիրը և դպրոցական դասագրքերը:

Հ/հ	Թեմա	Համամասնություն (%-ով)
1	Ընդհանուր տեղեկություններ Երկիր մոլորակի մասին	3
2	Աշխարհագրական թաղանթը և նրա ոլորտային կառուցվածքը	11
3	Մայրցամաքներ և օվկիանոսներ	14
4	Աշխարհի քաղաքական քարտեզը և բնակչությունը	5
5	Համաշխարհային տնտեսություն	9
6	Տարածաշրջաններ և երկրներ	29
7	Հայաստան	29
Ը Ն Գ Ա Մ Ե Ն Ը		100

2. ԹԵՍՏԻ ԿԱՌՈՒՑՎԱԾՔԸ

Ավարտական քննական աշխատանքը բաղկացած է 35 առաջադրանքներից:

Ընտրովի պատասխանով առաջադրանքներ են 1-22-րդը: Այս առաջադրանքներից յուրաքանչյուրի համար տրված է պատասխանների 4-ական տարբերակ, որոնցից ճիշտ է միայն մեկը: Դրանցից յուրաքանչյուրին պատասխանելիս ընտրած պատասխանի համարը թեստում պետք է վերցնել շրջանակի մեջ, որից հետո «X» նշանով նշել պատասխանների ձևաթղթում:

Օրինակ՝ 7. Նշված երկրներից ո՞րն է գտնվում Եվրոպայում:

- 1) Չինաստանը
- 2) Բրազիլիան
- 3) Ֆրանսիան
- 4) Ալժիրը

	5	6	7	8
1	<input type="checkbox"/>	<input type="checkbox"/>	<input type="checkbox"/>	<input type="checkbox"/>
2	<input type="checkbox"/>	<input type="checkbox"/>	<input type="checkbox"/>	<input type="checkbox"/>
3	<input type="checkbox"/>	<input type="checkbox"/>	<input checked="" type="checkbox"/>	<input type="checkbox"/>
4	<input type="checkbox"/>	<input type="checkbox"/>	<input type="checkbox"/>	<input type="checkbox"/>

Օրինակ՝ 8. Ո՞ր շարքում է տրված մարզերի և մարզկենտրոնների ճիշտ համապատասխանությունը:

- | | |
|--------------|------------|
| 1. Արագածոտն | ա. Արտաշատ |
| 2. Լոռի | բ. Իջևան |
| 3. Տավուշ | գ. Աշտարակ |
| 4. Արարատ | դ. Վանաձոր |

- 1) 1-ա, 2-բ, 3-գ, 4-դ
 2) 1-գ, 2-դ, 3-բ, 4-ա
 3) 1-բ, 2-գ, 3-ա, 4-դ
 4) 1- դ, 2-ա, 3-բ, 3-գ



Կարճ պատասխան պահանջող առաջադրանքներ են 23-31-րդը:

Այս առաջադրանքների բաց թողած տեղում՝ գծի վրա, պետք է գրել պատասխանը, որը կարող է լինել բառ, բառակապակցություն:

Օրինակ՝ 27. **Լրացրեք բաց թողնված բառը:**

Երկրի խորքից դուրս ժայթքած մագման, որը կորցնում է ջրային գոլորշիներն ու գազերը կոչվում է _____:

Այս տիպի առաջադրանքների պատասխանները ևս պետք է անցկացնել պատասխանների ձևաթուղթ:

Ընդարձակ պատասխան պահանջող առաջադրանքներ են 32-35-րդը:

32-րդ և 33-րդ առաջադրանքների հիմնավորումը, 34-35-րդ խնդիր-առաջադրանքներից յուրաքանչյուրի լուծման ողջ ընթացքը՝ քայլերի գրանցումով, հաշվարկներով, ապա ստացած պատասխանով՝ մանրամասն ու հիմնավորված, պետք է գրել առաջադրանքներից հետո բաց թողած տեղում: **Այս առաջադրանքների պատասխանները ձևաթուղթ չեն անցկացվում:**

Ձևաթղթում տրված է սխալ նշված պատասխանն ուղղելու 3 հնարավորություն, որից 2-ը՝ ընտրովի պատասխանով առաջադրանքներում, իսկ 1-ը՝ կարճում:

3. ԳՆԱՀԱՏՄԱՆ ՉԱՓԱՆԻՇՆԵՐԸ

Ընտրովի, կարճ և ընդարձակ պատասխանով յուրաքանչյուր առաջադրանքի ճիշտ պատասխանը գնահատվում է 1 միավոր:

ՄԻԱՎՈՐՆԵՐԻ ԲԱՇԽՈՒՄԸ

Ըստ առաջադրանքների տիպերի միավորները բաշխվում են հետևյալ կերպ՝

1. **ընտրովի պատասխանով** առաջադրանքներ՝ 22 միավոր,
2. **կարճ պատասխանով** առաջադրանքներ՝ 9 միավոր,
3. **ընդարձակ պատասխանով** առաջադրանքներ՝ 4 միավոր: